

UUT' T OLDE VODDEN

As ter ene hier vol iêver
Opspringt en ant werk geet,
Hee wil ummers moor liêver
Dat 't draait, neet stille steet,
Dan wodt tat soms uut eleg
En wodt ter wel ezeg:
„Hee krig ut op te heupen!”

As mooder pannekoeke bakken,
Eers spek an hasjes snee,
(’t Spek zol wat in mekare zakken
As ze ’t in de panne dee),
Dan was één van eur taken
Um ’t beslag te goan maken,
Dat dee ze in een leupen.

As ze hier ’n kind hebt ecregen,
Dat gebeurt noew vólle minder,
Wiej kônt ter neet um leegen,
Door komt al moor minder
kinder,
Dan zal zo ast altied geet
’t Kind mooi wodden an-ekleed
En zít ze ’t loaten deupen.

As buurman in zien grote tuún
Heel mooie peern of appels hef
Dan zal dat soms kónnen beduún
Jonges veget eur plichbesef,
Dat wodt tan an de klomp elapt,
En een paar appels wodt egapt!
Dat neume wiej dan reupen!

As ter ene op uut geet
Um wilde kniène te vangen,
Want hee zal ze soms ophangen
In een strik, moor ’t kan ok met
’n Geweer, buks of wel een fret!
Dat is tan gewoon streußen!

As ter ene an de galg mot,
Wat hier wel neet gebeurt,
Moor in streken wiet vot
Hej door vake van eheurd,
Dan zólt de mense ’t uitleggen
En van zo iets tan zeggen:
„Ze goat ter ene opkneußen!”

As hier een mense drok is
En toch neet vólle deut,
Umdat e een tiedjen beslis
In twerk hef heel gin leut!
Dan kan e veuruut wetten
Dat zich alles op geet zetten,
’t Werk zal zich tan op-heupen!

As ter ene gin subsidie krig

En tis ok zonder goed egoan
Dan gif um dat wel een gezich
Wiej zekt: „Hee heft goed edoan
Hee hef ut tan toch moor ered
Ut netjes op peute ezet,
En hee hef zich zelf bedreupen!”

Is ut leste woord wat
gedwongen?
Ist wel goed zo ast ter steet?
Och, hier wodt meer vals ezongen
Zo nauw nemme wie ’t hier neet.
Iej nemt moor zo ze tzeht,
Wiej zingt zo aw bunt gebekt,
Dat kôj in oe oor wel kneupen!

In ut eerste vers van dit geschriêf
Kreeg hee ut op te heupen,
Moor óveral, in huus en bedriêf
Ziej heupkes of grote heupe,
’n Hoop heupe zie ik elke dag
’t Is ak ut zo zeggen mag
Door bunt nog heupe heupen!

Ut pannekoeke-leupen leek
Op ’n klein tunneken wel wat,
Ai t goed bekeken dan bleek
’t Handvat t’r neet appart anzat,
Zon streuksken holt leep deur,
Toch gaf ’t handvat wat fleur
An dat olderwetse leupen!

Leupen kumt nog wel vaker veur
Ut is hier heel neet gek
Zo in de dagelukse sleur
Daj ut iets anders zek,
Wiej zekt neet kipperennen
Ok gin -lopen moor -leupen,
Zon taaltjen zuj wel neet kennen,
Dus kippelupe of -leupen!

Moor ok as ze goat jagen
Met ’n dubbelloops geweer,
Ut wild dus goat belagen,
Ut kump ter dan op neer
Dat ze oew hier zólt leern
An dee grote jach-geweern
Door an zit twee leupe

’n Keuksken daj in koffie stipt
Das een soort van deupen!
En ai met de fietse slipt
Kôj brekken wel oew heupen.

De zatlap dee hikt en hipt
Neume wie hier wel bezeupen.
En de tropen heit de treupen!

Och in onze platte proat
Kump de EU heel vake veur!
De mense dee ’t darp uutgoat
Holt dee sproak, dee is eur!
Hoê wiet ze ok vot goat
Door blif wat van dee proat
’t Voddens klinkt ter in deur!
De eu zôj óveral in heurn,
Vant heujen tut ut deujen!
Wiej zolt ter neet um zeurn
En d’r ons neet met bemeujen!
Schoapkes bunt soms eujen,
En honderekkels reujen,
Door vólt niks te besneujen!

De varkens dat bunt keune,
Tegen bomen zegge wie beume,
De boer zien jonge is ’n zeune,
Um-genaaide kanten zeume,
Vuurkes goat ze wel beunen
De eu mot ut al op steunen!
Dee schriêve wie ok in bleúme!

Ai schik hebt heb ie leut
Dat kump wel ’s vant preúven
Want iej dronken toê een neut!
Moor as ter wodt zes-zeuven,
Sterk, neet enkel moor zeut
Kan twèen dat ’t gin goed deut,
Dan wodt iej ummers teut!
Moor soms zit ie op een dreugen
Och iej wilt neet zeurn,
Iej heb oe neet loaten neúgen
Want ie mot nog veurn!
As zoew dan zollen bekeurn
Zol oew dat lange heugen,
Dan moj soms lange treurn!

Ut tasten dat is veúlen!
Motten bunt ok zeugen,
Mollen neume wiej weulen,
Reuskes, ’n peusken, oe
verheugen
Had werken is weer vreuten,
Grote trôppe dat bunt meuten,
Reuren, papiern deuze, neúlen!

Heel vólle kŵ opdreunen:
Deurne, deut, peut, reut, beurn,
’n Reupe, kleurn, beugen, teunen!
Oaveral kôj de eu in heurn!
Ok streuke, meugen en neurn,
Wiej zólt oe neet veneuken
Noar een eu hoof ie neet te zeuken
Met de EU konne wiej hier geurn!

Ome Jehan